

陳氏宗譜

上海图书馆

登记号码

00001079

毘陵陳氏續修宗譜卷之七



宋贈朝奉郎秘閣修撰少陽公傳

公諱東字少陽丹陽人以貢入太學欽宗卽位率其
徒伏闕上書論今日之事蔡京壞亂於前梁師成陰
謀于後李彥結怨於西北朱勔結怨于東南王黼童
貫又結怨于遼金劊開邊隙宜誅六賊傳首四方以
謝天下明年春貫等挾徽宗東行東獨上書請追貫
還正典刑又請誅六賊時師成尙畱禁中東發其前
後姦謀乃謫死李邦彥議與金和李綱及种師道主

戰邦彥因小失利罷綱而割三鎮東復率諸生伏宣
德門上書請復綱舊職付种師道以閩外之事軍民
從者數萬傳旨慰諭眾莫肯去方昇登聞鼓搥壞之
喧呼震地有中人出衆鬻而磔之於是亟詔綱入復
領行營金人既解去學官觀望時宰議屏伏闕之士
先自東始京尹王時雍欲盡致諸生於獄朝廷用楊
時爲祭酒復東職遣聶山詣學撫諭然後定胡敏欲
弭謗議奏補東官賜第除太學錄東又請誅蔡氏且
力辭官以歸歸復預鄉薦高宗卽位五日相李綱又

五月召東至未得對會綱去乃上書乞留綱而罷黃
潛善汪伯彥不報請親征以還二聖會布衣歐陽澈
亦上書言事潛善遽以語激怒高宗言不亟誅將復
鼓衆伏闕府尹孟瘦召東東具冠帶出別同邸乃與
澈同斬于市四明李獻贖時尸瘞之時年四十有三
越三年高宗感悟並追贈優錄其後及駕過鎮江遣
守臣祭奠

公早有雋聲傲儻負氣不慙慙於貧賤蔡京王黼方
用事人莫敢指言獨公無所隱諱公晏集坐客懼爲

已累稍引去以貢入太學欽宗卽位率其徒伏闕上書論今日之事蔡京壞亂於前梁師成陰謀於後李邦彥結怨於西北朱勔結怨於東南王黼童貫等又結怨于遼金劄開邊隙宜誅六賊傳首四方以謝天下言極憤切明年春貫等挾徽宗東行公獨上書請追貫還正典刑別選忠信之人往侍左右金人迫京師請誅大賊時師成尙留禁中公發其前後姦謀乃謫死李邦彥議與金和李綱及种師道主戰邦彥因小失利罷綱而割三鎮公復率諸生伏宣德門下上

書曰在廷之臣奮勇不顧身以任天下之重者李綱是也所謂社稷之臣也其庸碌不才忌疾賢能動爲身謀不恤國計者李邦彥白時中張邦昌趙野王孝廸蔡懋李稅之徒是也所謂社稷之賊也陛下拔綱列卿之中不一二日爲執政中外相慶知陛下之能任賢矣斥時中而不用知陛下之能去邪矣李綱任而未專時中斥而未去復相邦彥又相邦昌其餘又皆擢用何陛下任賢又未能勿貳去邪又未能勿疑乎金人聞罷綱職事臣等驚疑莫知所以綱自起庶

官獨任大事邦彥等疾如仇讐恐其成功因用兵小不利遂得乘間投隙歸罪于綱夫一勝一負兵家常勢豈可遽以此傾動任事之臣竊聞邦彥時中等盡勸陛下他幸京城騷動若非綱爲陛下建立則乘輿播遷宗廟社稷已爲坵墟生靈已遭魚肉賴聰明不惑特從其請宜邦彥等讒嫉無所不至陛下若聽其言斥綱不用宗社存亡未可知也邦彥等執議割地蓋河北實朝廷根本無三關四鎮是棄河北朝廷能復都大梁乎且不知割太原中山河間以北之後邦

彥等能使金人不復敗盟乎一進一退在綱爲甚輕
在朝廷爲甚重幸陛下卽反前命復綱舊職以安中
外之心付種師道以闡外之事陛下不信臣言請徧
問諸國人必皆曰綱可用邦彥等可斥也用舍之際
可不審諸軍民從者數萬書聞傳旨慰諭旁午眾莫
肯去方昇登聞鼓搥壤之喧呼震地有中人出眾嚮
而磔之於是亟詔綱入復領行營遣撫諭乃稍引去
金人旣解去學官觀望時宰議屏伏闕之士先自東
始京尹王時雍欲盡致諸生於獄人人惴恐朝廷用

楊時爲祭酒復公職遣聶山詣學撫諭然後定吳敏
欲弭謗議奏補公官賜第除太學錄公又請誅蔡氏
且力辭官以歸前後書五上既歸復預鄉薦高宗卽
位五日相李綱又五日召公至未得對會綱去公乃
上書乞留綱而罷黃潛善汪伯彥不報請親征以還
二聖治諸將不進兵之罪以作士氣乞車駕歸京師
勿幸金陵又不報潛善輩方揭示綱幸金陵舊奏公
言綱在中途不知事體宜以後說爲正必速罷潛善
輩會布衣歐陽澈亦上書言事潛善遽以語激怒高

宗言不亟誅將復鼓衆伏闕書獨下潛善所府尹孟
庾召公議事公請食而行手書區處家事字畫如平
時已乃授其從者曰我死爾歸致此於吾親食已如
廁吏有難色公笑曰我陳東也畏死卽不敢言已言
肯逃死乎吏曰我亦知公安敢相迫頃之公具官帶
出別同邸乃與澈同斬于市四明李獻贖其尸以瘞
之東初未識綱特以國故至爲之死識與不識皆爲
流涕時年四十有三潛善旣殺二人明日府尹白事
獨詰其何以不先闕白微示愠色以明非已意越三

年高宗感悟追贈東澈承事郎公子幼官有服親一人澈一子令州縣撫其家及駕過鎮江遣守臣祭公墓賜緡錢五百紹興四年並加朝奉郎秘閣修撰官其後二人賜田十頃 諭有司春秋給 帑祀祭

附盡忠錄序

宋以忠厚立國禮義養士金人猾夏之初少陽陳公與布衣歐陽澈首以忠諫死其後死封疆死行陣死沙漠者不可勝紀雖天理民彝之在人心皆其所自盡者而深仁厚澤之所敷遺明效大驗要之不可誣

也顧諸臣皆死於賊慷慨赴義乃所甘心少陽死於
奸相其本心豈欲至是其所遭際然耳蓋方是時用
事者偷安畏懼不曰遷都則曰割地可定大難安社
稷者惟一李綱羣小嫉之如仇以張魏公之賢亦嘗
劾綱而佐汪黃少陽以死爭乞用綱決策征討力排
割地之說其見惡時宰固宜向其言獲用綱不斥
去則宋不南社稷不墟中原不左衽乃少陽死李綱
斥宋之不競不待智者而後知也於戲古之以諫綱
者逢于皆世臣與國同休戚少陽尙爲諸生未沾一

命徒以區區一寸之忠不能自默至于死不悔不尤重可傷哉或疑洛陽少年易其言斥以死君子少之少陽率諸生伏闕論天下大事力詆羣奸不得命不止忠憤所激眾集至數萬涉脅持之嫌使奸人指以爲名卒陷大戮揆之中道若有未安殊不知事有緩急漢文何如主其時何如時諠不能從容納說乃於立談之頃輒爲人痛哭少陽時遭孔棘國之存亡在呼吸間救之不得不急君臣大倫根於天性父母之讐不共戴天言出而死有所不避此少陽之所以爲

忠也少陽姓陳氏東名少陽其字潤之丹陽人高宗
追念其忠贈祕閣修撰近丹陽太學生孫育得所謂
盡忠錄者質之鄉進士陳君沂屬編次焉乃請於丹
陽令申君理刻以傳錄曰盡忠蓋因宋丞相綱之孫
大有所序舊名用高宗賜錢詔中語也育緘書京師
請予序昔唐何蕃叱六館士不從朱泚之亂且顯名
當時韓愈氏亟稱之况少陽精忠大節如此今讀其
書凜凜有生色雖與日月爭光可也是烏得無傳傳
亦何假於序而後人仰止先進圖其不泯事關風教

不可以不書于是乎序

正德十一年夏四月朔旦

光祿大夫上柱國少傅兼太子太傅吏部尚書武英
殿大學士郡人石淙楊一清撰

宋文毅公傳

公諱亮字同甫號龍川先生永康人生而目光有芒
爲人才氣超邁喜談兵議論風生下筆數千言立就
嘗考古人用兵成敗之跡著酌古論隆興初與金人
約和天下忻然幸得蘇息獨亮持不可婺州方以解
頭薦因上中興五論奏入不報已而退修於家學者
多歸之益力學著書者十年先是亮嘗圍視錢塘喟
然嘆曰城可灌爾蓋以地下於西湖也及孝宗卽位
蓋十七年矣亮更名同請闕上書孝宗赫然震動用

種放故事召上殿將擢用大臣交沮之乃有都堂審
察之命宰相臨以上指所欲言皆落落不少貶又不
合帝欲官之亮曰吾欲爲社稷開數百年之基寧欲
博一官乎亟渡江歸醉中戲爲大言一士欲中亮以
其事首刑部侍郎何澹澹卽繳狀事下大理笞掠無
完膚誣服爲不軌事聞孝宗知爲亮嘗陰遣左右廉
知其事亮遂得免居無何亮家僮殺人適被殺者嘗
辱亮父疑事由亮聞於官論亮情重下大理時丞相
王淮知帝欲生亮且素高亮才援之尤力復得不死

亮自以豪俠屢遭大獄歸家益厲志讀書所學益博
其學自孟子後惟推王通嘗曰研窮義理之精微辨
析古今之同異原心于杪忽較理於分寸以積累爲
功以涵養爲正睥面盎背則于諸儒誠有愧焉至于
堂堂之陣正正之旗風雨雲雷交發而並至龍蛇虎
豹變現而出沒推倒一世之智勇開拓萬古之心胸
自謂差有一日之長亮意蓋指朱熹呂祖謙云高宗
崩亮感孝宗之知至金陵視形勢復上疏時孝宗將
內禪不報由是在庭交怒以爲狂怪光宗策進士亮

以君道師道對曰臣竊歎陛下之於壽皇莅政二十八年之間寧有一政一事之不在聖懷時上不朝重華宮羣臣迭諫皆不聽喜亮策善處父子之間擢第一既知爲亮又喜曰朕擢果不謬孝宗在南內寧宗在東宮聞之皆喜授僉書建康節度判官廳公事未赴卒亮性存經濟重許可人雖爲布衣薦士恐弗及家僅中產畸人寒士衣食之久不衰卒後吏部侍郎葉適請於朝官其子非故典也端平初諡文毅更與

一子官

宋少保魯國文正公傳

公諱康伯字長卿宣和三年登進士調平江路長洲
簿改京畿運使薦爲太學正建炎初除勅命所判定
官書成陞衢州紹興六年爲太常博士江東提舉八
年爲樞密院計議厯屯田戶部司勳郎官十三年爲
成監吏部侍郎十五年知泉州主興國提知漢州召
還仍吏部侍郎兼權禮部刑部尙書二十七年除侍
讀拜叅政二十九年拜尙書右僕射同中書門下平
章事三十二年陞左僕射加特進封信國公授少保

觀文殿大學士進封福國公判信州改醴泉觀使明年起判紹興府復拜左僕射進封魯國公太上皇臨御宇丙三十六年不忍南北之民蹈鋒刃遂屈已議和時公以謀佐天子鎮定大事折箠而笞使自殺其軀豈不偉哉上皇倦勤初有與子之意公朝夕協贊以決大議有古社稷臣風上卽位公爲首相奉冊如禮以公舊臣每對公但呼丞相而不名公悚懼乞正名分上曰尊禮元老此非過也公姿貌魁秀氣宇洪遠望之知爲鉅人在人主前論事酌量開迪周旋其

間無所適莫云乾道初以少師致仕薨年六十有九
贈太師諡文恭配享 廟庭嘉泰初改文正

工部侍郎兼直學士院湖南安撫使洪天錫撰

陳田宗譜

卷卅

十一

明倫彙編

[Faint vertical text columns, likely bleed-through from the reverse side of the page]

仁齋公傳

公諱德聖字希文號仁齋西洛人也生而穎異讀書目數十行及長六經諸子百家無不同條共貫性豪俠喜談兵議論風生下筆千言立就時蔡京用事國事日非故公不樂進取父鄞公勉以門戶事乃應舉宣和中以進士第授德州尉尋遷青州判官宋江作亂張叔夜討平之公有贊畫勞遷荆襄節度刺史靖康二年金人復圍汴京張叔夜以南道都總管率師入衛公謁諸途張公曰時勢如此奈何公素有大志

當爲我言之公曰狂賊跳縣兩狼失守時童貫留守
太原地險兵銳不於此時率大小將士相機戰守反
縮身退避以致金人長驅大進遂至河上河上將士
又不固守河津使金人得渡遂有宋真無人之歎及
圍汴京彼時各路勤王之師集城下者不下二十萬
而敵兵不過六萬耳此時若令勤王之師堅壁不戰
調山東陝西之眾夾收河北踞其歸路彼進不得戰
退不得歸糧草斷絕不數月間粘沒喝之頭可致處
河上乃計不出此卻李綱种師道之謀而從邦彥求

和之議以康王爲質割三鎮而與金人和又罷李綱
种師道以謝金人此英雄之士所以負戟而長嘆也
金人旣退又不講求戰守上下怡然一時金人愛我
而不忍以一矢相加今金人又復圍汴束手無策維
以講和爲言耿仲南唐恪反遣還各路勤王兵元師
以一旅孤軍入衛王都以我積衰畏努之兵當此方
張之寇觀時度勢德聖雖愚不敢言其必勝也叔夜
瞿然曰公言是也然叔夜身受國恩視君災之危亡
而不救何面目立於人世乎敢問此行計將安出公

曰京軍寡弱非維不能戰亦不能守而賊銳甚公以孤軍欲與之角勝于疆場必不能勝但可貯旁牽致速請車駕暫往襄陽避賊銳然後遣宗澤領山東之眾自大名歸德以收河北調川陝之眾以復太原塞太行之道以斷金人歸路復李綱職令率江東人馬速赴河南四面合圍然後故疆可復而金人可滅耳張公曰善遂署公荆襄節度副使令聚荆襄之眾繕攻守之具以待駕臨及欽宗被虜高宗卽位拜李綱爲相剛知公有方畧薦於高宗召入及李綱罷公疏

言李剛奮不顧身欲爲陛下報二帝之讐復祖宗之業謀畫未行而竟罷之是無意於二帝耶不聽宗留守屢表請還京而黃潛善陰主揚州之議公又疏曰我退一尺敵人卽進一尺願陛下卽日還京以作忠臣義士之氣不報每有謀議皆阻於潛善及宗澤死兀朮破汴京領兵南下時盜賊橫行金兵充徹黃汪皆不以聞天長軍破報至黃潛善汪伯彥方率同列聽浮徒說法不以爲意公知勢急卽馳入行所大呼曰賊至矣請陛下速上馬遂護駕馳至瓜州得小舟

渡江遂如臨安其時若無公則高宗爲兀朮所擒矣
其後高宗惑於秦檜決意講和忠臣良將誅鋤且盡
公屢疏言檜之奸疏皆畱中不出公喟然曰此何時
也而尙在公卿間耶卽疏求免卜居常之孫婆渡踰
年而卒子諱公肅以秦檜專權遂不仕公於書無所
不讀天文兵法之書無不貫通其言兵事皆切諸要
使其得與李剛宗澤等畢力於靖康紹興間二帝何
至北行高宗何至南渡耶有才不竟其用君子惜之

時

隆興元年季春

賜進士第左朝散大夫殿中侍御史吏部侍郎

浦城德文章服拜撰

阿
比
三
諱

名

三

阿
比
三
諱

左丞相寶和信國公傳

公諱琦字寶和號希軒雲涯公次子也淳祐進士及第授翰林院編修丙午官至端明殿學士轉授文淵閣大學士延帝初拜兵部尙書太子少保特加進封信國公晉擢刑部尙書太子太傅上書房行走公首丞相奉冊如禮公以舊臣奏對上呼丞相而不名公悚懼乞正名分上曰尊禮元老非過也太上不忍南北之民蹈鋒刃屈己議和而公議佐天下鎮定大事折箠而笞使自然消滅兵以智勝厥功亦偉哉上皇

陞日完請
倦勤初有與子之意公朝夕策決大議挺然有古社
稷臣之風焉泰帝末賜諡靖毅廕一子補官配享祀
典德配金太淑人晉封信國夫人克遵姆訓御下以
寬教子以忠內助懋焉生子二長可達年少遊庠官
至刑部侍郎加二品服俸次可遠官授教諭皆恂恂
儒雅周規折矩進禮退義克守家聲論者以爲公之
食報且未艾也是爲傳

賜進士及第

欽命太子少保兵部尙書兩江總督部堂兼理河務

江西浙江巡撫部院都察院右都御史 後學

孫士毅拜撰

正西面正北無時測時表刻在階階也

正西面正北無時測時表刻在階階也

宋修撰寶文閣學士清毅公傳

公諱塏字子爽嘉興人歷京湖制置使司主管機宜
文字差知德安府加直寶謨閣江西提點刑獄改直
敷文閣提舉千秋鴻禧觀轉司農寺丞主管崇道觀
知安慶府召赴闕加直顯謨閣湖南提點刑獄再召
爲右司郎官加直寶文閣知隆興府江西安撫使改
知江州主管江西安撫司事召爲右司郎官進直龍
圖閣浙西提點刑獄遷司農少卿以秘閣修撰知慶
元府兼沿海制置副使遷大理卿進右文殿修撰知

平江府兼淮浙發運使戶部侍郎趙必愿舉堦最詔
特轉一官遷太府卿司農卿權工部侍郎兼同詳定
勅令官兼中書門下省檢正諸房公事入奏言願陞
下轉移世道之樞機砥礪士大夫之廉耻使知名義
爲重利祿爲輕凡去國以恬退聞者召之久立朝以
更迭請者從之甘言容悅者必斥真情旬閑者勿留
如此則君臣上下皆以真實相與四維旣張士大夫
難進易退之風當見於聖世人才幸甚又言請以從
官倣古昔入從出藩之意其從臣爲諸路憲漕則以

從點刑獄使轉運使繫銜假之使各示與庶官別仍
乞特授自臣始自是屢言於帝前不許以言罷未幾
進集英殿修撰知婺州改知太平州兼江東轉運副
使請蠲放諸郡災傷加戶部侍郎淮東總領尋提領
江淮茶鹽所兼知太平州發公帑代三縣輸折絲帛
錢五十萬九千三百六十餘貫又作浮淮書堂以處
兩淮之民而教之進顯謨閣侍制知廣州權兵部尙
書又進寶章閣直學士知婺州遷權戶部尙書尋爲
真時暫兼吏部尙書以寶文閣學士知潭州兼湖南

安撫使召赴闕以舊職提舉太平興國宮加龍圖閣
學士依舊宮觀久之加端明學殿士咸淳四年卒謚
清毅塏屢厯麾節軍民愛戴幕客盛多而塏屢又樂
薦士所著可齋說藁二十卷

宋樞密院編修和仲公列傳

公諱塤字和仲鄞人試江東轉運司第一試禮部復
第一嘉定十年登進士第調黃州教授喪父毀瘠考
古禮行之忽歎曰俗學不足學乃師事楊簡理宗詔
求言塤上封事召爲太學錄遷太學博士主宗正寺
簿都城火塤步往玉牒所盡藏玉牒於石室李全在
楚州有異志塤以書告彌遠不納未幾賈貴妃入內
塤又言乞去君側之蠱媚以正聖德彌遠召塤問之
曰吾甥殆好名邪塤曰好名孟子所不取也夫求士

於三代之上惟恐其好名求士於三代之下惟恐其
不好名耳力句去添差通判嘉興府彌遠卒召爲樞
密院編修官入對首言天下安危在宰相遷浙西提
點刑獄安吉州俞垓與丞相李宗勉連婣恃勢黷貨
塡親按臨之弓手戴福以獲潘丙功爲副尉宗勉倚
之爲腹心盜橫貪害塡至福聞風而去貽書宗勉曰
塡治福所以報丞相也知温州未上以言罷忽臥疾
戒其子抽架上書占之得呂祖謙文集其墓誌曰祖
謙生於丁巳歲沒于辛丑歲塡曰異哉我生於慶元

丁巳今歲在辛丑吾死矣子蒙年十八上書萬言論
國事吳子良奇之妻以女爲太府寺主簿入對極言
賈似道爲相時國政闕失爲淮東總領似道誣以貪
汙貶建昌軍簿錄其家惟青氈耳德祐初禮部侍郎
李珣乞放便以刑部侍郎召不赴卒

丁丑年歲在辛丑年... 陶氏宗譜... 陶口堂

宋朝奉大夫光伯公傳

公諱炤字光伯少工詞賦登第爲丹徒尉旣而入帥
幕改知胸山縣仍兼主管機宜文字丁母憂歸北兵
至常州守趙與鑿走匿朝議以姚耆知常州耆以炤
知兵辟爲通判或勸炤辭炤曰鄉邦淪沒何可坐視
與其偷生而苟全不若死之愈也遂墨衰而出三率
義兵戰禦自夏徂冬不下以功加帶行提轄文思院
常將張彥攻呂城兵敗降於北因盡言城中虛實攻
益急元丞相伯顏自將圍之常兵阻濠水爲陳矢猶

盡不降城破嘗死之炤歛兵巷戰家人曰城東北圍
未合可走常熟達臨安炤曰去此一步非死所矣日
中兵至死焉事聞贈炤朝奉大夫直寶章閣官其子
應鼂爲將仕郎應鼂寶祐戊午鄉舉炤守城時赴平
江乞援于文信國復出家財犒軍募義兵宋亡後衣
冠不改力耕教子以終其身

元閣學先忠愍齋公傳

公諱祖仁字子山先汴人高祖與義爲南宋相居茗
書元延祐初隨父安國令晉陵講學至正辛巳秋回
河南籍省試以春秋舉於鄉壬午會狀元第授太常
博士時癸未詔修金遼宋三史以張起岩歐陽元揭
傒斯總裁公與典校事諸老咸稱公有良史才書成
上之丙戌擢翰林兼侍講丁亥戊子纂修國史諸實
錄一時誥勅制草及諸大政記名臣列傳多出公手
筆歲庚寅以外艱歸越五載歐陽元輩謂朝廷不可

一日無公屢詔徵病辭甲午江淮兵起京師食歉遣吏部尙書貢師天下浙西和糴經晉陵獨致內召意趣就道公復起乙未歲至京師入中書叅知政事勸上遣兵備禦關隘諸處復勸上立淮東等處宣慰司是年秋大明兵起和州渡江取太平路羽檄至上下晏然公獨憂曰吾不知死所矣朝士咸怪之公曰吾以天文人事知之耳連年太白犯熒惑犯歲星屢經天兩日相盪臘無雲而雷霍山崩燕冀地震黃河竭歲飢民疫此豈吾輩安枕時耶東南有天子氣吾卜

久矣又勸上團結山東義兵以防江浙之變十六年
丙申大明兵取常州復嘆曰張士誠必就擒東南少
休矣奈此西北何時河南北山東西皆被兵民流離
入京師戊戌大饑疫死者枕籍百里宦官朴不花輩
出金玉帶獻上市地瘞之皇太后及皇后皆助捨無
算修水陸會三晝夜薦之時宰命公爲文頌聖德公
笑曰不能用賢遣將靖亂安民而徒掩骼埋胔祠祭
爲惠抑末矣稱病臥不起更命學士張翥爲之士論
服其高庚子辛丑連年大亂京師饑甚詔徵海運糧

於張士誠仍遣貢師太行師太言於上曰士誠方張之勢徒行必不從祖仁世居吳中士誠心服焉盍遣之與臣往上曰吾左右不可一日無祖仁遣兵部尙書伯顏以御酒龍衣賜之祖仁曰士誠眇朝廷極矣此亦奚濟姑以閩鹽鈔羨許易之可成海運果如公言得糧數十萬石京師少賴焉壬寅復詔以本職進兼治書侍御史令得盡直言時上以太平爲上都留守議興修備巡幸五月公上疏諫罷工役歲癸卯樸不花橐驪內侍太子外結丞相搠思監驕恣不法御

史傳公讓劾之忤太子坐左遷公復上疏太子言極切至亦坐遷甘肅時大明兵取淮甸江浙閩海諸省盡降獨擴廓帖木兒據河南未下朝廷姑賴屏蔽丁未復詔削其官爵以激其叛公率羣臣伏闕上疏極諫不報然時勢已知卽不削亦必亡矣明年戊申八月大明兵入燕帝出奔羣臣盡竄公獨留號泣隨將出建德門爲南兵執公子嘉會亦從旁慰之終不屈遂死於兵史臣曰祖仁抱英邁豪偉之才負剛方正大之氣主昏極諫國危捐軀元亡死事者一人而已

可不謂孤忠哉易曰見幾而作不俟終日尙論者不能無慨焉

洪武十八年春月東閣大學士金華吳沉書於金陵史館之玉華堂

益齋公傳

朱王佑有陰德嘗手植三槐於庭曰吾子孫必有爲
三公者其子旦果相真宗仁宗謚文正遂名其堂曰
三槐堂東坡嘗爲誌銘此真人定可以勝天而爲善
未有不食報者也吾郡益齋公古之善士也公姓陳
氏諱益初字進之益齋其號也少好學讀書至樹欲
靜而風不寧慨然太息遂棄舉業節縮衣食爲甘旨
計奉父可山公母汪太君極其甘脆出必告反必面
凡事必稟命而行鄉黨皆稱其孝云性豪俠好施與

附錄
卷一
而善理財故家業日豐時元末歲饑公有積粟數千
餘石或勸出糶公曰積而不能散則守錢虜耳盡散
之貧乏無吝色鄰里親族待公而舉火者嘗數十家
德配姚太君授封大夫人亦寬厚慈惠嘗紡織作絮
襖百件以施人寒窶人戴德無不祝其後之昌大者
公二子皆守公之訓以孝慈特聞長子素菴公諱貞
生子三長伯載公諱濟次浚再次洽公撫之曰善視
之此必能興吾宗矣及永樂初濟果以布衣擢爲贊
善永樂中洽以兵部尙書督師安南將軍柳升違公

節制兵敗死之夫忠孝萃於一門彼尋常科第其能彷彿耶公以孫貴初封翰林院編修繼封太子少保兵部尙書晉封光祿大夫太子太師宮保尙書語云天道無親惟與善人易曰積善之家必有餘慶以公之樂善好施宜享其榮雖不有於其躬而賜爵受封顯榮褒大豈非公積善之慶而三王不能專美於前矣今公之後人皆發憤力學輕財重義他日熾昌之勢其可量歟

嘉慶七年壬戌仲冬之吉

素菴公淑配唐夫人合傳

公諱貞字貞戍號素菴益齋公之長子也幼聰慧好讀書年稍壯名列黌宮平生篤於孝友事親承順克盡子職待昆季雍容和睦方之姜氏同衾無多讓矣又敦刑于雅化閨帷情好晏如也公先始海寧寄寓姑熟移徙毘陵焉公歷任宣撫使例封奉直大夫淑配唐宜人因子貴贈封太夫人係出名門于歸望族必敬必戒事舅姑尤能不失婦道連舉三子延師教子備極忠誠長諱濟左春坊右中允永樂間纂修國

附錄
卷一
三
史授大總裁次諱浚蜚聲膠庠歷授儒士徵至京師
辭官告歸奉養極其孝敬季諱洽穎敏俊拔少登進
士授爲太子少保兵部尙書贈榮祿大夫而諸孫數
人俱英英玉立科甲綿綿昌熾之盛正未有艾而公
年近古稀與太夫人相繼辭世白頭偕老實爲大造
完人昔公延余爲西席蒙厚誼感銘不置又承契弟
濟浚乞余爲傳予義不獲辭因撮而畧之

年家眷弟謝子蘭拜撰

少陽公叔遠公合傳

士君子見危授命寧殺身以成仁不貪生而全義者
豈冀身後之榮封流芳名于萬世哉蓋其積學功深
見理真切以天地民物爲懷君父綱常爲重故當大
任臨大事決死生而無疑也吾於陳氏得兩人焉一
曰少陽一曰叔遠少陽公諱東潤之丹陽人也叔遠
公諱洽少陽之十世從孫也少陽公盡忠于宋叔遠
公立節於明前後一揆祖孫同志當執事者雖莫之
知然皆能感悟聖主贈謚褒封仍官其子名義著於

簡編忠貞載於史冊更有盡忠錄以表少陽忠節錄以顯叔遠余得二書閱之不覺有感於中景仰不已嗚呼若二公者殆所謂見危授命殺身成仁者歟非其積學功深見理真切焉能若此乎二公事實已載二書茲不復贅特咏俚語以贈之

百鍊精忠天下傷二公志節信非常少陽書疏驚牛斗叔遠忠貞耀漢章十世有孫承祖烈兩朝無愧報君王廟前碑碣昭千古留得芳名萬世揚

祝永明撰

伯載公傳

伯載公者諱濟素菴公之長子也生而明敏勵志於學從鄉先生謝子蘭遊謝公器重之曰此子他日必成令器及長素菴公令遊學武陵又令人載貨同往發賣以資給之公將資之半市書而歸聞人有異書必多方購致必得乃已號稱書僻積書至數千卷以故經傳子史諸子百家無不通曉貫串人有美質則分毫析縷究其精微明其大義理無巨細皆如指掌故人人敬服稱博學焉洪武初素菴以註誤遣戍五

開公悲號奔走請當路代戍當路不許公又欲從父
行素菴公曰弟妹年幼汝母年少汝若從行則汝母
弟妹誰爲育養乎公立從父命時年弱冠二弟浚洽
兩妹皆在童穉竭力事母撫育弟妹未嘗一日敢怠
及浚洽知學家貧無力從師公乃自教之雖讀日不
再食而講論不輟每勉之曰弟欲免饑寒勤學可也
浚洽質旣不凡又兼力學不倦不數年文章學問皆
爲士林推重浚膺薦弗就洽由薦入工部後爲兵部
尙書永樂四年夏有以公文學聞於上者時洽任大

理卿士問曰卿有兄乎洽對曰臣有兄名濟在家讀書奉母上曰朕欲用之卿可令而子召之來於是從子樞領旨馳驛徵至京師召對稱旨命入文淵閣與姚少師廣孝祭酒胡濬同修永樂大典不數年書成賜宴禮部夫公以一布衣而與少師祭酒同在修典之責當世無不榮之而公處之如故也永樂癸巳授左春坊左贊善時仁宗留守南都謂侍臣曰此兩卿書廚也永樂癸卯命以本職授五皇孫書皇孫皆稱先生而不名又命繪公像以賜之其眷顧如此公晚

得風疾發則口眼喎邪然日侍皇孫課讀未嘗以疾
自解公子格知之奉母北上比至疾已數月矣又六
日而瘖不能言執格手若將永訣而卒時年六十公
於書無所不讀平生寡言笑重然諾待人以誠未嘗
疾言倨色立朝後猶手不釋卷好學之勤老而彌篤
如此姚少師贈以詩曰羣書博記羨儒魁胸次森森
武庫開蓋記實也所著書有詩傳通證書傳補著元
史舉通鑑集賢止誤等書行世又有生平所作詩文
若干卷曰思齋集藏於家

時

洪熙乙巳歲次仲冬之吉

武進縣學教諭靖江黃玉善拜撰

增撰了身類火師之古

友能續學為虛然其黃江等撰

譜

陋齋公傳

公諱洽字叔遠號陋齋貞戌公之三子也幼敏慧強
學力行無間寒暑弱冠時卽明君臣大義洪武中以
善書薦授吏科給事中憂去建文中起復文選司郎
中靖難後陞右侍郎轉大理寺卿討交趾出參軍兼
給餉交趾平覈將士功罪建授土官經理兵食分守
隘塞剖決如流皆中款會陞禮部左侍郎都察院左
都御史是時黃尙書兼掌布按兩使事寬大專意撫
輯而公振拔才能教以禮義交人悅服陞吏部尙書

都察院右都御史叅贊未幾內官馬騏苛徵暴斂交
賊復叛攻交州城敗狡設伏以誘公以不可出告主
帥不聽公奮身力戰遂遇害事聞

上曰大臣以忠殉國一代幾人特贈太子少保兵部
尙書都察院左都御史 賜諡節愍公廕其子諱樞
爲刑科給事中 廷翰王通失律罪論死奮券籍沒
公與兄濟浚同胞長兄濟公被召與姚廣孝胡儷等
同修永樂大典而濟實總裁之父貞戍公性孝友品
行端方篤學南畿訓公精忠護國以安民心公受父

訓守道守法乙亥父貞戌五開以歿公去官至家時
五開蠻寇竊發公匍匐往歸父喪哀毀過甚蓋公精
忠掀揭以是氣作之於前藩臬公觀光揚烈以是氣
述之於中而光祿君興廢舉陰以是氣繩之於後堂
堂正氣浩浩長存而轟轟馬鬣千萬禩可垂矣猗歟
盛哉

嘉慶七年歲次壬戌孟春之吉

賜進士第翰林院編修

欽命盛京篆

石松公傳

公諱鏐字瑞甫號石松國子生世授廸功郎殿文公
之子也性孝弟言必忠信行必篤敬世稱仁厚長者
母金太孺人爲人端方閑雅潔已操持優母儀閭範
有大家風石松公幼攻書史少壯材猷練達治家嚴
肅整齊族姓無不景仰他日移之治國可以爲良臣
而治生業饒有裕益晚乃攜筇隴上徜徉山壑間因
自號石松按其名號觀其雅行隱居弗耀審擇所處
則身將隱矣何耀之足云吾知公固非欲以富貴聲

華誇耀鄉閭也蓋富貴者桎梏我者也聲華者塵垢我者也脫其桎梏滌其塵垢皜然泥而不滓如青松之發生枝葉四時不改山石之朗照寰區千古如斯公之志若此而已公先世南宋時卜居浙江永康之西族以滋大始遷毘陵明帝初居於馬蹟山張青灣之西南曰士庄蓋發祥之祖也德配王孺人穎慧賢淑無慚四德克守三從居家甘苦備嘗總務井有條理知其嫻於姆訓深也他如孝公姑睦宗族教子成立大節所在吾無間然矣生卒年月備詳譜牒故不

贅

時

嘉慶八年癸亥孟夏之吉

欽賜翰林院檢討

後裔芳杜百拜敬識

錫甫端甫兩公合傳

錫甫陳公諱鉞號雲軒紹麟公之冢子也公生而穎
悟入孝出弟知敬宗祖甫七歲每遇朔望禮事內神
及外神如成人盡道焉年十六而應試有志進取一
時未遂年十八以例得授布政司經歷官榮贈兩親
如其階銜年十九德配朱孺人來歸治內有條理尙
節儉公賴以事畜云夫玉昆金友兄弟未易雙奇桂
樹蘭芽子孫每難並美而公之兄端甫公諱鈇號雲
涯者自幼好行惠濟施無稍吝鄉鄰有桀傲者公輒

化導之是以薰其德而善良者衆配倪宜人陰教之
修妯娌徽音如一公以子道貴授內閣中書贈奉政
大夫夫人咸曰繼述之隆集於公躬陳氏之後俾熾而
昌莫大於是公則曰爲人後者職固如斯且亦恃列
祖列宗之靈以資啟佑余何能之有其不目滿假良
可風焉吾念夫作善降祥積善餘慶福澤之來報施
不爽先是紹麟公所性仁厚處已接物情與理融奉
先教家孝與慈裕孫太宜人婦德備優習勤持儉閭
儀有範戒惰黜奢而雲軒雲涯二公克新庭訓丕振

家聲創業可垂守成匪懈於是室處則竹苞松茂歲
入則千倉萬箱喬梓歡承棣鄂秀發義方不失崛起
有人褐釋籍通名揚親顯卽中書公之貴盛豈非紹
麟公雲軒雲涯之教育旣至哉抑又聞雲軒雲涯之
天性勝於尋常者甚也平昔桓相謂曰我二人同產
聯居手足相協問安視膳必盡此心太宜人有疾悉
痛二公嘗自隱諱二公輒涕泣不止累日不食復加
一飯而喜可知也迨乎疾大漸侍寢奉湯藥尤憂勞
謹慎其後附棺附身盡誠盡禮履霜履露致沐致悽

百行孝先二公洵無忝矣公之先世於南宋時由浙
海遷毘陵始則兄弟同居嗣以子孫繁衍分遷大路
塘橋又徙白塔年城灣塘東青西青派別支分年湮
代遠敬宗收族非譜不爲功二公會刻意興修以費
不資謀之族中詎族之富者偏不願尤富者尤不願
以故稿畧具而未遑剞劂齋志以歿云今又更百餘
年矣幸其十一世孫祖元長庚頗有志於承先啟後
節敘三公之行詣求傳於余因書之如右

時

嘉慶辛酉之臯月

賜進士出身翰林院編修

年姻家眷弟全椒吳鼎拜手

Blank columns for text.

公佐公傳

公諱杰字公佐號東軒節愍公之孫刑科樞公之長子也性明敏嗜學景泰庚午中應天鄉試辛未會試中進士第丁內艱服闋授刑部廣西主事時司寇俞公掌邦禁寮屬鮮有當其意者獨重愛公天順朝廷將征北虜求明刑者授之璽書俾與總戎偕行俞公遂以公薦 陞辭 錫宴還朝 賜白金文綺繼爲司寇者軒公其倚任分亦無異於俞蓋公爲人偉儀觀善詞令魁岸軒谿負才恃氣於人無屈下於事不

計利害人雖期其大用而亦未嘗無媚嫉之心會有
報匿名文字於闕下者窮治之得公仇家辭連
公訖無左驗然猶從薄謫改遼東都司斷事公欣然
就道及至以明慎治獄以禮義廉恥勵武弁巡撫御
史賢之俾兼領學事復攝行太僕寺事遼士賴公指
教登科者相望而馬政亦蕃息適公同年楊御史按
遼事多專恣公復與論曲直楊不能平遂相構煽以
他事誣公公曰吾其歸哉不能鬱鬱久居此矣自是
絕口不談時事扁其居室曰知足又作拱北亭以示

不忘君構南郭草堂以與鄰人處士往來其中或時
從二三童子遨遊江湖遇名勝處盤桓累日有故人
莊晉者客死關西公裹其骸致行橐中坐取與俱或
曰當蹈長江攜此不利公曰吾知有義而已至金陵
呼其子桓還之公雖退休而士大夫過常者必艤舟
問侯公亦倒屣出迎性雖不飲而喜延客飲人有過
必面折之而亦樂愛人之長平生不畜媵妾不治生
產惟好書法名畫古松怪石居常手一編或自玩繹
或課子悠然自適也公歸自遼陽二十年成化辛丑

以疾終於正寢享年六十有一子三長元壘早卒次
奎庠生次璧女三皆適士族嗚呼以公之宏才碩德
出而圖名宜大展謀猷乃志與時違中道坎坷不克
以功名終然而論秀甲科含香粉署揚旆燕然之北
分符遼海之東折獄詳刑展乘錯事亦不可爲不遇
矣俱與公中表親也少同與長同取進士公之生平
余固知之而能言之此奎之所以言屬而余亦無容
辭也因爲之傳其大畧云

不立時

成化歲次壬寅

賜進士及第

誥贈通議大夫吏部右侍郎

愚表弟晉陵王俱拜撰

<p>陸上完言 卷一 公田</p>	<p>田</p>	<p>田</p>	<p>田</p>	<p>田</p>	<p>田</p>	<p>田</p>	<p>田</p>	<p>田</p>
---------------------------	----------	----------	----------	----------	----------	----------	----------	----------

拂岩公傳

公諱讓字拂堂號拂岩望雲公之子也嘉靖丙午舉
人丙辰會元歷任國子掌教擢河南布政司叅政敕
授中憲大夫余備員樞部時綸如表叔以家乘成索
予爲傳予陳所自出也敢述一言爲誌公秉性溫和
虛懷集益識者知非池中物年十九遊庠蜚聲黌宮
親族中糾及角藝則踴躍從之課必爭先丙午舉於
鄉年僅二十有一娶吳孺人出自名門幼嫻禮法崇
尙質樸治家以儉御下以寬日夕勞瘁公吟咏不屑

問家人產業內外悉決於孺人凡篝燈藿粥之需皆孺人紡績之助也公丙辰會試第一時年三十有一公之令嗣襟宇公文章道德名流所宗弱冠試輒冠軍遊學辛酉廩貢選授鎮江儒學訓導辛丑陞廣東瓊州守牧孺人教子之功居多不數月公亦榮膺國子監掌教孺人贈太安人丙寅歲公行取擢河南布政使司右叅政封中憲大夫太安人晉封淑人公厯官二十餘載囊無餘蓄文章政績震耀於世班班可考而其後嗣丞欲表而揚之亦不沒其親之意乎請

以是垂之譜生卒詳家乘故不贅

時

順治歲次戊戌仲秋之吉

愚再甥張祚先拜述

以銀鑿文兩坐亭前家乘刻不替

孝潔先生傳

蟻衣生曰士修百行純於萬備顧始於事親以孝爲先終於立身以潔爲尊孝經援神契日元契混沌孝在其中庶人孝則澤林茂草木秀茂秀及林木而况子孫孔子曰吾未見好德如好色者也既而曰已矣乎吾未見好德如好色者以弟子三千士之林林猶興已矣之歎而况叔世故孝與潔百行之首萬備之元世不常有者荆溪陳懷古先生咸備之予讀陳氏譜葬錄公狀銘墓表并并有據敬謚之曰孝潔先生

而爲之傳

公姓陳氏諱一經字伯常別號懷古公號懷古者懷古愚翁也陳之先爲永嘉止齋先生裔有倉四者由永嘉徙義興世載隱德至古愚翁始以文德顯公在襁褓古愚先朝露公無貌於心延里戚長老曾耳而目之者徧問其象以其象屬畫史謹儀之懸之壁公不能仰視瀾然而涕下至忌日哀而哭曰此吾終身之喪也母太孺人邵傷古愚翁早世和熊丸畫荻灰課公公入學旣成邑試高等跪於母曰兒不忽昕夕

去膝下卽郡試弗敢應比娶雷孺人能事姑公始應
試大有聲鬻序出境受徒履滿戶外陳氏子弟就學
講業公曰一弟一子一速一遲速者如矢在弦上頃
刻而發遲者如雷在地中侍春而動後俱如公指弟
卽今東粵學憲君一教子卽柱史君子廷也公傷不
及事父故事母獨摯饌必敬視必親嘗嘗善則食嘗
寡亦不能飽脫有微疾冠不櫛行不翔言不惰笑不
矧比母切哭盡哀幾損目浸成宿疾會直指使者題
旌母節與吳母屠湯母王共建坊於邑衢公曰母三

節旣聞於

天子又與吳湯二母鼎立爲三徽烈兼劭峻節相望
吾母不亡矣故一切校計繕修之類公以身先拮据
焉孝思之勤老而彌篤其聞虞曾之風而興者耶予
又聞公未冠時里女有以色挑之者拒之再三輒自
念曰謂天蓋高而聽甚卑謂神甚幽而察甚明神戰
於元其陳陰陽乎吾可爲若戰也嗣是出不經其門
迂迴去人問之竟辭以他故嗟乎斯所謂好德者非
耶令謝幼輿顧愷之聞之媿死矣顧涇陽先生曰陳

公潔已不難不彰人污尤難前明龍太史懷古公一切巧事機心世態俗腸洗滌殆盡家庭垂德本於陰德而歸之孝弟忠信陰德孰踰於此公懿行甚夥如力拯溧人之誣亟歸儒生之婦存活狂叔之子手揮友難之金載在碑銘者不具論而論其巨者立不慚影寢不慚魂足慰吾夫子已矣之歎矣御史成進士令光山力行公潔己愛民之訓最

詔封公光山令嗣以循良召立柱下首劾重人封章滿早囊又最封公御史而公蕭然以布衣亡不異青

附錄
三
一
衿時其真太邱止齋之苗裔耶何其肖耶予謹按謚
法慈惠愛親能養能恭曰孝不汙不義曰潔敬援范
貞節王文中私謚例謚陳公曰孝潔先生

贊曰夫孝潔非頽然二物也大舜至孝五十猶慕卽
富貴好色無足以解憂曾子戰戰兢兢如臨深淵如
履薄冰而孟子論聖門之孝必歸曾子故孝者必不
屑不潔而惟潔者爲能孝也懷古公以魯男子之不
可柳下惠之可故其事親也必能爲養志之可而免
於不得不順之不可道故如是相成也人之言曰暗

裏分明如秉燭聞中檢點莫欺天茲豈非懷古饗親
之本而克昌厥後之基耶故宜有柱史矣故宜有柱
史矣

郭子章拜撰

史記

史記卷一百一十五 留侯世家
留侯者，沛人也。其先王孫，自周初
封於宋，宋滅，徙於沛。留侯世家
留侯世家

錫祉公卜居新河峯下村記

維我陳氏自隨高宗南渡以來世居錫邑後因先君子壻於新河之俞氏遂遷於武邑卜居於芳茂山之西北新河之側峯下村中去郡城十有餘里南接中堰北近武城安居樂業者已數十年緬想當年由潁川而江州由江州而錫邑而武邑遷徙無常日後久居茲土與否未可逆料故特誌之

裔孫茂華百拜謹識

大生公傳

公諱禹年字大生忠誠孝敬出於天性凡遇宗黨之事公爾忘私凡遇孤寡之事任勞勿怨延師訓子極忠且敬意氣常處人先功能不甘居後族黨有事議捐公先樂助蓋好義之君子也

裔孫茂華謹述

...

...

...

...

大主宗譜

大中丞鹿萃公暨子育公合傳

公諱睿謨字鹿萃號常采萬厯庚戌進士第初
授建安令遷息縣令有惠政聲吏民愛之四十
八年行取尋擢御史按蜀時當安奢之變公勵
兵訓士蜀疆倚重時逆璫魏忠賢勢焰建祠遍
天下巡撫尹同舉以諷公公曰豈不知建祠可
以得榮然吾欲留一塊乾淨土還

朝廷禍福吾安之矣卒不建未幾逆璫伏誅
勅命褒嘉有逆璫肆毒砥柱獨高等語公密疏曰惡

璫肆焰中外建祠惟蜀無有

皇上以此褒臣何以處天下之不如蜀者再按畿輔
以薊門一疏忤執政出爲福建督糧道三年遷
禹州兵備道時土寇楊四作亂公單騎統千戶
劉定邦等計擒之兩河寇喪膽不敢竊發捐俸
修禹州儒學又捐俸造房四十餘間課士其中
號曰潁濱書院又請蠲河患地一百二十頃尋
轉江楚臬藩時湖廣南北峒蠢動議復設偏沅
巡撫有

旨令公往時正遇流寇李荆楚劉新宇劉高峯等作
亂公甫到任遇賊圍襄陽卽禦卻之又攻長河
公乃授將士方畧屢戰皆捷三寇悉平奏入

詔書有履變能應遇險不驚剔蠹釐奸戢暴剪兇匡
救生靈忠蓋社稷等詩褒之績載史誌崇禎辛
巳敘蜀功恩賚匾額花紅錫爵賞銀加二品服
俸

詔授通奉大夫湖南湖北巡撫部院都察院右都御
史廕一子士選補戶部員外郎著有輔世編數

十卷學文堂集一部奏疏四十餘卷行世云奉
旨崇祀鄉賢閩蜀豫楚俱有崇祠令器咨稷公字子
育號邵公公之季子也崇禎壬午舉人爲人端
慤長厚積學工詩秉性孝友善屬文章

國朝定鼎

詔錄用先賢之後首及公歷任刑部郎中恤刑畿輔
多所平反活死囚無算庚寅遷雲南瀾滄兵備
道時兵燹之餘人民凋憊蠻寇盜賊竊發公勞
來安集設法防禦民安寇滅瀾滄遂爲樂土羣

旨褒嘉有世德纘箕裘之緒文章騰奎璧之光廣教
澤於郎川爰簡辟廡而造士建威聲于樞部旋
登秋署以平刑懋績祥和恩敷欽恤等語世莫
不榮之尋奉

旨入鄉賢祠著有梅花草堂詩集四十餘卷後

上得公詩集歎賞着部咨取公行實

誥加贈按察使司按察使

勅授中憲大夫康熙間

御纂一統志特奉

旨載列名臣令輯入

國朝一統志中又前為具題奏 請

勅建耑祠三十三年 奉

旨給 帑建祠與

先賢中丞睿謨公

觀察咨稷子育公與宋

先賢文毅龍川公同享祀典春秋遣官致祭行冕

我

朝旌獎

先賢報功崇德無所不至予因又爲序傳二公之
宦績以遺陳氏之子孫至其孝友德業生卒皆
已載於家乘予無庸多序云

時

康熙三十五年歲次丙子季秋之吉

賜進士第

誥授通奉大夫江蘇巡撫部院都察院右副都御史
前吏部侍郎刑科給事中年家眷姪宋肇頓首
拜撰

我為

前漢書杜預注...

前漢書杜預注...

前漢書杜預注...

前漢書杜預注...

前漢書杜預注...

前漢書杜預注...

前漢書杜預注...

前漢書杜預注...

國卿公獻忠公王孺人合傳

國卿公者諱士選鹿萃公之次子也性好敏古善詩文固落有大志不急急於利祿不切切於富貴初補博士弟子員尋取鄉貢第一天啟間詔錄大臣子孫江撫具題廕授郎中將補職時逆璫用事鹿萃公曰豺狼當道諂奉者登進忤逆者誅戮吾以受國厚恩無可去之義故浮沉仕塗旣有一毫之益於國以盡區區之心汝何爲而載胥及溺耶公卽見大吏固辭自是不復應進士舉嗟乎世之仕宦皆如鹿萃子弟

皆如國卿則國無顛覆之虞士有保身之哲矣公配
朱氏亦志同陶婦崇禎初詔贈公廸功郎晉階承德
郎德配朱氏例贈安人生一子諱進賢字獻忠生而
穎悟讀書日記數千言及長才氣豪邁下筆千言立
就時震孟文公道周黃公見而器之曰不羈之才也
不意皇輿掃跡天家隕墜獻忠撫膺嘆曰我家世受
國恩今國破君亡總不能若留侯之報韓而忍忝顏
人世耶遂憂鬱成疾病亟時謂孺人王氏曰上有垂
白之雙親下有六齡之弱息以累汝孺人泣而應曰

諾公遂卒時年三十歲子儀甫六歲孺人慟絕者數
四因念臨終之囑故復勉強飲食事姑舅撫遺孤未
嘗一日敢怠國卿公嘗顧而歎曰新婦如此吾兒若
不亡矣國卿卒於康熙十一年朱安人先公卒於四
年王孺人皆拮据殫殮合葬于橫山之北後儀以文
學補博士弟子員孺人泣而言曰而今而後吾可以
見吾夫於地下矣嗚呼獻忠之心存君國以隕厥身
可不謂之賢乎而王孺人以三十三弱婺恪遵遺命
孝養姑舅教子成名猶人之所難云

椒峯公傳

公諱玉璣字賡明號椒峯子育公之次子也公生而
孝友博學多才性資剛毅操履端方純而不駁公之
秉質也挺而不撓公之制行也幼敏慧讀書奮志屬
文清而不劇淡而能腴簡而能詳補邑弟子員主文
署其試卷云精吸元珠氣噓生靈而一種遠想是水
流心不動雲去意常閒承明大業拭目以俟公于康
熙丙午丁未聯捷南宮召試博學授內閣中書然而
素厭繁華不慕仕進不十年卽告歸優遊詩酒之間

值天色晴和集賓朋開北海之樽聚西園之第賦新
詞作古文人爭從之公有時長嘯幽壑有時遠眺層
巒有時挿花行歌有時垂釣臨池有時辭客而臥有
時抱子而嘻殆隨時觀化有得於中而豈僅二疏之
流亞歟丁巳童謠曰公有大喜公曰有何喜童曰有
報來家數日間果得京報授選刑部郎中戊午直隸
副主考敕授奉政大夫公著有刑箴梅花集唐詩五
十餘卷公父子育公厯授刑部郎中遷雲南瀾滄副
使按察使僉事護理兵備道公蓋能讀父書從父政

以光顯其前人而卽以昌大其後嗣也歲甲子李郡
尊聘修郡志一年而薨人稱爲有作史三長焉後奉
朝廷查取行實得列名臣輯入

國朝一統志不亦傳流不朽哉公生於前明崇禎乙
亥卒於康熙乙酉享年七十有一公與許宜人合葬
於龍遊河頂龍穆穴

時

乾隆五十七年歲在壬子仲春吉旦
賜進士及第翰林院編修誥授資政大夫

經筵講官禮部左侍郎歷任提督江西福建學院癸

丑鄉會兩試主考年家門晚生劉躍雲拜撰

[Faint bleed-through text from the reverse side of the page, including characters like 禮部, 侍郎, 提督, 江西, 福建, 學院, 癸丑, 鄉會, 兩試, 主考, 年家, 門晚, 生劉, 躍雲, 拜撰]

桃峯公小傳

公諱玉璵字發仲號桃峯鄉貢生丙午歲進士任景
山教習例授修職郎階贈儒林郎爲人溫雅厚重善
屬文童子時卽兄椒峯公所珍重及長名振士林篤
志力學至老不衰多著述以教授爲業遷授州同知
學者宗之敦本睦族事親敬長有能人所不能者人
謂其得天性獨厚云

時

康熙十七年歲次戊午仲春之吉

教授文林郎癸卯舉人歷任江西餘干縣知縣加三

級

愚再姪婿黃兆熊拜撰

公籍于燕字贊中號林峯隱貫坐丙午歲數士出景

海寧公小傳

思原公傳

公諱耀文字哲如號思原君敘公之冢子也公賦性寬和不忤俗亦不媚於俗嘗愛詠唐詩一片冰心在玉壺之句以故淡泊無華好交遊然最惡世人握手結金蘭契而藉爲黨援者父君敘公恭儉溫純行仁好義治家嚴肅有規故家庭之內肅若朝堂母張孺人年高而勤喜行善事內務皆有條理居家一切豫爲措備訓兒孫勤耕讀勿偷閒滋事皆張孺人佑君叙公提誨之力也公克承慈訓晨昏之候無一刻不

供子職人已之間無一事有乖忠恕故族黨稱其孝也鄉黨稱其弟也交遊稱其信也鄉人稱其仁也德配徐氏繼姑之教兒孫適有儉安孺人見之必嚴加約束不少寬縱家計條制周密勿至臨渴掘井敬長上孝翁姑聽雞鳴勤紡織公之賢內助也公性復豪曠不急急於榮利嘗曰滄桑無定富貴在天但居心仁恕守己安分架上書溪畔田乃吾貽謀樂業耳故不屑攻舉子業與孺人教兒孫以耕讀傳家必守遺訓梁鴻孟光可與並美矣端等服先疇食舊德敢忘

自所哉謹述公之梗概以傳諸無窮

時

嘉慶六年歲次辛酉仲秋

元孫熊

端貴

百拜敬識

						<p>無與六字線定卒西軒冠</p>	<p>制</p>	<p>自似楚蘭世公之賦類及詩補無</p>
--	--	--	--	--	--	-------------------	----------	----------------------

耀溪處士陳子瑞公傳

處士姓陳氏諱士榮字子瑞耀溪其別號也父諱睿
卓號立堂世有隱德母韓孺人誕育公早卜以爲人
中之瑞云幼攻書史少壯材猷練達治家嚴肅整齊
族姓無不宗仰謂他日移之治國可以爲良臣天崇
間知有明運祚方衰隱居韜晦不事進取間寓意於
治生家業亦自此益饒裕晚乃攜筇隴上徜徉溪壑
間因自號耀溪處士按高士傳龐公涪行雅操隱居
弗耀審是則身將隱矣何耀之足云吾知公之自號

固非欲以富貴聲華誇耀鄉閭之謂也蓋富貴者桎
梏我者也聲華者塵垢我者也脫其桎梏滌其塵垢
皦然泥而不滓如清溪之泉本源澄澈朗然照耀妍
媿一無所遁公之志如是而已公先世於南宋時太
常丞象古卜居雲陽蒙城之東偏曰河圍里越十世
明溫州府倅諱憲又徙晉陵之鳴鳳鄉至公始克奠
厥居於三溪里族以滋大羣從昆弟散處於洪墅楊
庄射雁塘者並倚公爲重德配謝孺人亦晉陵名閨
女穎慧賢淑不媿咏雪家風公歿時丈夫子五人曰

邦文邦道邦正邦泰邦相已嶄然見頭角識者覘之
謂陳族之寢昌寢熾自公伊始

乾隆辛酉舉人丙戌簡選奉

旨特授國子監學錄曲阿賀采黼山氏撰

Blank manuscript page with vertical columns.

槩公配任孺人原畧

孺人出自任宅幼而儀容端肅德性溫良于歸陳氏
相夫子和順盡禮事舅姑孝養無方不幸夫主早亡
年二十七而寡家業不甚饒孺人常頌柏舟之詩誓
持共姜之操教孤子賢過孟母撫幼女節效孟光處
宗族以和待親戚以禮孺人之德行清操寡默古道
古心不談人過好褒人善獨行已志中年持齋老益
堅固

...

...

...

...

...

...

...

...

巨川公原畧

貞誠不二立心公正少年習舉業有上達之期因有志未就躬耕畝畝治家以勤儉教子以義方與人恭而有禮御下寬而有恩鄉黨有爭鬪凌弱之人定評於翁翁出片言俱信服遇窮常賙濟家業仍日隆豈非天之異報乎

孫大文孫通等

陸急缺用之古詩詩則既原其淵源而求其源也

而詩書禮記之書則皆思慮熟存乎心則其理之入也

志未隨陳陳相輝故亦以禮而為子以禮而與人恭

貞婦不二在亦公五少半習學業育士教之其因育

百川公烈等

環川公原畧

有果決之資明斷之才善者盡禮優待惡者正言戒
飭負劉伶之興懷顏子之風遇賓朋傾樽後已陶陶
然樂其天真居陋巷毫無怨尤謂非豪傑之士乎

然變其天其法則善法無邊大德非善法之十
 而身隨命之與善法之風塵寶用則善法已顯
 自果大之寶用則之不善法則善法善法善法

知風公取器

奉吾公原畧

謹言而慎行不發人隱心平而氣和不與人爭外無
邪僻之事內無奸狡之心不辭春耕夏耘之苦甘當
胼手胝足之勤常思尊祖敬宗首領倡修宗譜誠哉
孝子慈孫也陳氏如公指難再屈

潔之公原畧

早年失怙懷上達之志而未遂其願長而幹蠱性勤稼穡而不慕乎其外道義自持語言不苟老成之士也

刻慈而不慈乎其代改葬自其南首不其安歟之十
軍中夫卦卦土數之法而未盡其理變通增損

謝之公烈墓

雲海公原畧

有慷慨之節超脫之見性不苟志不羣棄舉業勤於稼穡事父母能竭其力待兄弟友愛兼盡存心惟厚作事惟恭迺常棣中之翹楚昭穆中之彥方

紹川公原畧

有剛直之操宏博之度御人以禮處事能剖曲直周
急能捐囊橐事父母宗族稱孝處兄弟鄉黨稱弟創
立宗譜誠孝慈之至也

公字原畧，號紹川，其先自漢徙居。公幼而岐嶷，有
異秉。年十歲，能言。及長，博學有文才。嘗與同輩
論事，公曰：『此非君子之志也。』其志之不凡，固已
見於此矣。公之為人，剛直不阿，宏博有度。御人以
禮，處事能剖曲直，周急能捐囊橐。事父母宗族，稱
孝；處兄弟鄉黨，稱弟。創立宗譜，誠孝慈之至也。

公原畧

少溪公及左孺人原畧

古焉爾貌樸焉爾心不求聞達惟樂田園寡言語慎
交遊人有是非得失隱然不露蓋溫厚君子哉

孺人中道居孀體夫行孝善事翁姑送終尤能盡禮
撫孤子訓之義方育幼孫端之以正性行貞靜女德
具備孝聞一鄉族以爲則慎以持躬正以齊家女中
丈夫也

其入中散... 夫... 善... 事... 德... 義... 忠... 孝... 節... 義... 人... 列... 傳...
 交... 人... 亦... 且... 非... 特... 夫... 烈... 婦... 不... 露... 蓋... 盡... 忠... 孝... 節... 義...
 古... 語... 所... 傳... 述... 節... 婦... 心... 不... 求... 聞... 彰... 辨... 樂... 用... 國... 事... 有... 精... 誠...
 忠... 孝... 節... 義... 人... 列... 傳...

茂之公原畧

秉性正直容貌端一文質得宜剛柔中節事上接下
惟古是則公不侮人亦不見侮於人傳家克勤克儉
教子惟讀惟耕優遊樂世陶然麴蘖醉翁之意不在
酒聊借此意以自適固陳氏之無雙亦當世之罕匹

古者飲食之法，雖曰節制，然其所以節制者，不過適其性，而適其性之謂節制耳。故曰：飲食之節，適其性而已。此節制之真義也。今人所謂節制者，不過禁其欲，而禁其欲之謂節制耳。此節制之假義也。夫欲之於人，猶水之於魚也。魚無水則死，人無欲則亡。故欲之於人，不可無也。然欲之不可無，而欲之不可縱，此節制之真義也。今人所謂節制者，不過禁其欲，而禁其欲之謂節制耳。此節制之假義也。夫欲之於人，猶水之於魚也。魚無水則死，人無欲則亡。故欲之於人，不可無也。然欲之不可無，而欲之不可縱，此節制之真義也。今人所謂節制者，不過禁其欲，而禁其欲之謂節制耳。此節制之假義也。

飲食之節制

震仙公傳

外祖父諱志澤字震仙號文龍桃峯公之次子也先世海寧南宋後遷常郡遂世居之而子孫繁衍公性孝友事親以色養左右定省而不晷離桃峯公逝世公哀毀過甚幾杖不能起治喪以禮盡孝盡誠母劉太安人得疾公涕泣累日不食太安人勉慰之族黨有外侮必竭力禦之有困厄必多方拯之戚屬相往來久而能敬愛人咸佩其仁太安人以建宗祠耑命公監視公遵慈訓而益敬先堂寢既周奧室既正丹

陞煥采更以歲時祭祀少資捐入自置田百餘畝以供掃墓以永烝嘗亦足以不匱錫類矣公幼慧讀書一日十行下筆文頃成數千言輒贈衆人口屢蹶童子試卽入都考職以例選授州同知借補州司馬例授儒林郎居官正直清廉愛民惠物留心葺屋疾苦見有艱於養生送死者卽補助之終其任不衰作善降祥積善餘慶克昌厥後祉福繼承允也宜哉子五長廷楷官居州同知次廷柄官居秦安府尹三廷桢官州佐四廷程官布政司理問五廷梓官授州同知

女三長卽景賢之母次適岳三適趙景賢自幼讀書
於映山堂常仰邈世德之茂盛而事難盡述僅撮其
大畧如是爰爲之贊曰

瞻公之貌炯炯雙瞳穆乎大雅霽月光風邈公之行
忠孝其性睦婣任恤先民是準讀公之文卓爾不羣
韓潮蘇海撼岳蒸雲仰公之品剛方嚴正經冬松柏
特乎天挺公之治家整肅雍諧門庭集吉日春花
公之入官朝野騰歡爲國爲民葵赤甘棠功德旣立
退老林泉優遊杖履人方擬爲地行之仙胡爲乎年

登五旬卽長往飄然嗚呼我公身雖逝兮神如生敬
禮公像河嶽曰星子孫光顯無不爾或承

例授文林郎丙辰恩科舉人候選知縣

外孫管景賢百拜撰

大興縣丞公孫景賢曰
陳山堂
文林郎丙辰恩科舉人候選知縣
外孫管景賢百拜撰

題贈上湖先生匾額

品繼華山

上湖陳君才擅詩文行敦孝友抱道隱德不求
聞達遊藝於翰墨之場縱志於山水之樂洵昆
陵高士也爰題額書以此贈

康熙歲次乙酉孟春之吉

弟秦邦英謹識

上湖陳公讚

公諱儀字象采上湖其號也先生江左高士也公善詩文工書畫其潔行曠視爲當時所見重年五十時曾圖小照甫成而篇章紛至皆一時名士丙子春閏三月予客毘陵僧舍晤公因囑子潑墨予但知畫老人隱於漁其於形之肖不肖非可知也
康熙乙酉仲春之吉

品類華山

燕山弟朱倫瀚謹撰

國朝士大夫全圖

上湖先生傳

上湖老漁姓陳氏名儀字象采世爲武進之芙蓉圩
人地多漁師以老漁自號而遠近知與不知者皆稱
上湖先生少孤露家貧不治生產讀書自娛工書畫
壯遊京師公卿折節與交上湖謝去曰若輩倨傲鮮
澠爲習久矣奚有於我耶且卽知我者不過以飲食
玩好娛弄我欲役吾腕爲若輩作奴耳之越之楚南
居有年橐中裝可直百金過九江石尤風作并其生
平所得詩若干卷爲蛟龍攫拿而去上湖夷然曰吾

陸氏宗譜 卷十 三 明山堂
故倦遊歸而傲居城西狀元橋之北數椽耳堦下活
活微聞泉聲楊柳芙蓉渠披拂窻戶搆醉墨齋其中夫
椒山人爲之記筆床茶竈手自拊搗以絹素見投素
餽遺之無貴賤勿之拒也然蓋有餘粟卽鍵戶不復
出余宗環芙蓉圩而居余家秋田草堂相距十里許
上湖扁舟逕來常以畫冊相示余笑曰可無展卷也
上湖愕然余曰雅味餘書卷天真得性情非君題畫
作乎之柴門夕陽烟水迷漫逍遙散髮朗吟此詩覺
天地雲物竹木池沼一切變幻滅沒之態自在胷次

何用日費束絹和墨餽筆然後爲營邱北苑家法哉
相與撫掌作竟日語上湖之畫一言蔽之曰老曰淡
其書法曰文世有以不事專家爲上湖病者不知其
氣韻天成有妙于法之外耳余歸自嶺南己丑春始
一過醉墨齋上湖幅巾曳杖迎門謂余曰何容之墨
也斬焉衰經固然然得毋世外得喪未盡忘耶吾弟
善守家學者能不改其素而勉其所未至亦可無忝
爾所生矣已而聞風吹市聲曰是亦天籟也任其自
至而吾無容心焉何所憎愛於其間哉其言類聞道

者

秋田先生曰上湖老漁耳而兒童馬走皆耳其名以其書與畫也上湖之詩真率有餘味不多作亦不甚求工世之知而能言之者絕少况乎其人性情之所獨得者耶巖穴布衣必得大有力者爲致式廬之敬而後傳否則有托而傳耳然則上湖之書畫其卽上湖之所託以必傳于後者歟

時

康熙四十八年中元後二日

弟聶恆拜手撰

陳氏宗譜

卷七

上湖先生傳

卷七
映山堂

陸氏宗譜

卷十

十一

十一

陸山

友文陳公傳芳集

聞之仁冠四端之首孝居百行之先人能篤斯二者
其身必荷天休然子孫其逢吉也蓋禍淫福善天之
道也故易曰積善之家必有余慶作不善之家必有
餘殃第其遲速遠近不予人以可測者而如謂其無
報則非也今予觀夫友文舅翁而益信夫天之彰善
有明徵也自其先世嘗以周貧濟急爲心救災恤鄰
爲志而我舅翁克纘厥緒善述善承每見人之阨難
無論其疎與親也必從而解之如其力有所未逮也

則必咨嗟歎息而言曰斯人也一何困頓之至於斯也鄰里之間見有熒熒子立而絕於衣食者必分其有以饋之及乎其後家業凋零而猶不改其志鄉里之人嘗有從而笑之曰友文之存心仁則仁矣殊不知爲仁不富之說也而吾舅翁則勿之惜也且其事親之孝尤爲衆所難幾者也善承色笑定省于朝夕之間甘旨無遺請與于將徹之候固不待言而所難者太君莊氏疾篤醫藥難調而吾舅翁割股爲羹以進服之而痊使太君康強更延壽考斯豈人之所易

及哉且其嘗有言曰濟不必求諸溥而要其心本于
仁養不必求諸豐而要其心出于孝蓋仁孝之量惟
聖人爲能盡之而我輩諸人第能存其心焉而已惟
其如是所以洎其晚年起衰爲盛轉約爲豐絕統於
趙續娶於吳得生三女三男享年七十有一凡此皆
天祐也而何可云爲善之無報歟且其臨終而長子
椿如亦仍割股以進并祝於天而願以身代追孝于
前人非盛德之後弗能有此之賢嗣也此以知人能
篤於仁孝必荷天休斯言不我欺也若我舅翁之以

仁孝居心不以窮達少異宜邀福履綏之而孝予慈
孫濟濟于其庭也今余忝在親末躬雖未獲見翁之
始幸猶得以晰翁之終樂翁之爲善有成而喜爲天
下道也於是乎書

時維

雍正乙巳

愚甥金沙邑庠生馮時謹撰

憲園永茂永盛文嘉文美五公合傳

公諱士元字憲園師臣公之季子也生平磊落不羈志尙隱逸不樂仕進閒則賞花賦詩勤則訓子課農入孝出弟和鄰睦族更篤於友愛有壘簾相應之和焉令嗣二長廷美字永茂次廷盛字永盛皆克繼家聲有難弟難兄之譽而永茂公身爲家督率其僮僕勤耕力作稍暇則仍手一編研搜不輟所稱守先而裕後者茲非其人歟性復高潔守陽城不娶之節人或勸之娶則曰娶非其人則遺患無窮不如不娶爲

愈也况吾弟之子猶子也吾何憂無嗣乎遂終身不
娶永則立志高尚不求聞達於人然出一言必三思
歸理行一事必計其始終遇宗族以厚德教子姪以
義方接鄉閭以公正憂相恤患相扶迄今里中尙念
公之厚德不置其德配劉孺人亦克盡婦道毓二子
長文嘉字介森次文美字順宗二公皆治家嚴肅教
子端方矢懷明發致仁孝於椿萱式好無尤篤友恭
於華萼以故一堂雍穆不失陳氏之風焉夫恪恭自
守溫和睦世一言不苟超乎世俗之外者文嘉也其

弟文美猶豪邁性成疎財仗義遇有困乏來告者卽捐囊與之貧乏無償則折券棄之君非豪於資而睦婣黨賑困窮絕不較計錙銖者蓋其天性然也庚申歲陳子莪溪議修宗譜公卽自任爲本分主修率姪觀麟宏元等不憚諮詢財力奔走數年而成宗譜所以篤親親也所以使子孫披圖而知水有源木有本也繩其祖武垂裕後昆嗟乎文美觀麟宏元其有功于祖宗爲不泯矣辛亥歲陳氏宗譜告成囑傳于余余愧不能文而辭不能却因爲跡其祖孫父子之大

畧以及諸賢之盡力於修譜者爲合傳以歸之

時

嘉慶八年季秋之吉

賜進士出身

勅授承德郎翰林院編修兼理文淵閣纂修詹事府

左詹事右春坊左中允愚表姪莊通敏拜撰

節母花氏孺人傳

從來爲人臣者願爲良臣不必爲忠臣爲人婦者亦願爲佳婦不必爲節婦婦而以節見婦之不幸也不幸以節見而煢煢孤嫠飄搖楸杙不能成其家不能教其子徒終其身困瘁焉猶不幸也不幸以節見而幸有節婦名不幸以節見而幸有節母名則雖巾幗中亦可謂賢也矣吾有感於花孺人之守節而不禁爲之撫然焉夫孺人之歸我志澄公也年甫二十有八而志澄公見背遺孤甫九齡而孺人竟矢志栢舟

集蓼茹苦恪守孤幃儵尾焦音薪水自具撫少長之
兒教養兼盡雖有賢伯明侯公爲之主持其門戶而
寒幃弔影之苦卽穉婦且有蕙色而孺人獨安焉任
之以迄于今志意經經節義皎皎享康年而古稀將
望獲天眷而蘭孫滿堂不可謂非孺人之福也夫不
幸以節見而幸能成其家訓其子克遂其初願以無
負夫子於地下不賢而能若是乎嗟乎同爲人也婦
而欲爲節婦難同爲人也母而欲爲節母難同爲人
也婦同爲人也母而幸能成其家訓其子克遂其初

願而以節顯名于當時者更難若吾花氏孺人可以
無憾矣

贊曰孺人性澗秉天之質母教素嫻坤儀允式昊天
不憫鳳鸞分翼藁砧夢冷孤幃寂寂遺孤幼小左
提右挈冰淵自持無殊處子嗟哉孺人厯盡磨折
報施不爽天佑仁德宜爾子孫振振螿螿生平懿
行難以備述畧舉大端著之譜牒

年通家生梅新宸輔謹贊

...

...

...

...

...

...

...

...

...

...

清溪康侯連元星元四公合傳

青墩在常郡之東北其地幽僻非商賈之所奔湊民生其間者醇樸質實力農務本家以不欠賦稅相尙人以不厯公庭爲貴恥華言少實或有貪暴自肆者則相與咨嗟太息之此雖書傳所載太古之風不過如地也陳氏諒齋公始卜築居焉代有聞人數傳至淵亭公積勤服業以起其家再傳至清溪公公諱祥字庭祉清溪其號也以邑祀生隱居僻里嶽立奮興性勤稼穡嘗曰民生在勤懶惰者飢寒之本也故未

辨色時卽督亞旅臧獲盡力於耕力作十餘年家益富性好施與計家中日用及歲時伏臘諸費外有餘則以分子姓戚屬鄉里之困乏不能自存者嗟乎今世之號稱富有者饜梁肉衣錦繡其族姓戚屬操瓢而爲溝中瘠者不少矣彼未嘗過而問焉况疎遠之鄰里乎皆公之罪人也子康侯承公之業守公之訓且耕且讀以無忘先世之緒鄉人稱之曰康侯之事親也先意承志昏定晨省皆可能也其不改父之施與父之勤是難能也康侯生二子長連元諱世芳次

星元諱世珍皆恭敬慈愛以孝友世其家易云積善之家必有餘慶語云孝子之後常生孝子以清溪之積善好施康侯之孝親慈眾連元昆仲亦能不私所有以順其親鄉里皆稱善人孝子予知天福公之後蓋未有艾也公之曾孫御章與予相善知公家事甚悉故爲之傳云

時

嘉慶八年癸亥仲春吉旦

欽賜翰林院檢討辛酉舉人壬戌聯科進士

愚姪孫茵昀氏芳杜拜撰

...

...

...

...

...

...

...

...

...

永寧公傳

外舅諱廷柄字允衡入官時改名國柱號永寧震仙公之次子也公生而敏慧知好學塾中不隨羣弟子嬉長而益攻苦有大志投徒勤懇不倦諸同人俱尊崇而信服之應童子試輒列前茅繼思博取一衿未可以守卽束裝馳闕下以例得武英殿効力期滿議敘選授同知履任考最署山東泰安府尹勅授承德郎公爲人仁厚與人交忠告善導凡人之性近於急躁者聆公言如佩章其自處卑謙兼極和順人所不

能忍而忍之以故終身而人無怨言至于濟困屯亨
轉人於涸轍無吝色亦無德色家歌其惠戶祝其慈
皆本孝友之天性以相推暨於無窮所謂親親而仁
民仁民而愛物也公居官方正清潔而最愛百姓常
不靳公廉俸以施補助而外母湯安人更能相夫子
以克廣其德心以張大其善行豈非治外治內之交
得哉公生於康熙庚辰卒於乾隆癸巳享年七十有
四湯安人生於康熙戊寅卒於乾隆甲申享年六十
有七生子三長夢煒敏而多能舉業之暇任家事焉

次夢煥年少穎悟納職遊幕三夢熊幼慧而勤讀工
于書以張君書紳聘入金陵曾在總制署効力冀圖
議敘例嚴未獲卽歸而理其家政教其子焉女一謙
其壻也謙幼讀書於映山堂卽受公知字以女而期
遠大嗣公北省歸謙亦常得聆教益乃自今計之而
公之逝且荏苒二十餘年矣謙感公之德雖不文故
撮其大概而識之

時

嘉慶元年歲次丙辰仲春吉日

勅授文林郎江陰縣廩貢生歷任安徽建平江蘇青浦丹徒等處各縣儒學教諭太倉州學正遷鎮洋縣教諭揀選知縣子壻繆謙百拜敬述

復菴公傳畧

公諱廷槐字復始號復菴仰高公之長子也廕授祀
生世授廸功郎晉贈文林郎公性孝情厚處世謙和
少卽穎異不凡晝夜不分志高勤讀馳驅南北憤不
得志自古文人才士不見用於世湮沒而無聞者不
可勝嘆然不於其身而於其子孫悲夫公壽屆八旬
終于襄陽官舍子三長宋賦出仕襄陽令次紹琳任
陝西鳳縣尉皆居官清正息訟愛民三安吉博學多
才惟公世傳仁厚孝弟遺風次其畧云

欽賜翰林院檢討

愚再姪芳杜拜撰

此處為多行模糊文字，內容難以辨認。

財基公

瑞軒公呂太君景安公莊孺人合傳

公諱國瑞字午生號瑞軒字霞公之季子也公性孝友事宇霞公及諸兄皆曲盡禮意樂於恬退嘗誦詩至有名閒富貴無事散神仙之句卽三復之故不急急於利祿每良晨佳節與父母諸兄宴飲爲樂以爲人生樂事無踰此者德配呂太君端莊純一教諸子必循規矩御下嚴而有恩故畏威懷德無不樂於奉命生二子長景安次景雲景安公少習儒攻舉子業發憤力學思振家聲而屢黜童子試居嘗鬱鬱公曰

窮達有命富貴在天吾望汝以善養不望汝以祿養也遂棄舉業習什一之利爲甘旨計有述懷詩云久韜文藝遠時名賞月吟風寄隱倫不解奉迎趨勢利但營什一養吾親蓋紀實也性寬和未嘗疾言遽色待人以誠不知人間機械事配莊孺人奉姑之訓治家嚴正諸務井井定省之餘卽勤紡織與景安公事瑞軒公呂太君極其孝敬妯娌親戚相處怡怡如也子玉潤玉芳習箕裘之業復能以純孝世其家族黨稱之云用天之道因地之利謹身節用以養父母孔

子云書云孝乎惟孝友於兄弟余觀公之父子祖孫
克勤克儉竭力經營以養父母知其誦法於古訓深
矣余與公之再姪松齋爲中表親又與玉潤昆季相
善知公事甚悉故爲之傳其畧云

時

嘉慶七年歲在壬戌初夏

賜進士出身

勅授朝議大夫山東泰安府知府署濟東道事奉
旨記名候陞年家眷再姪徐大榕拜撰

百餘年以來...

時世雖變...

親歷其境...

諸君幸勿...

却

善以公事...

宋余與去...

京墮京劍...

千元皆定...

天祐公述畧

天祐公諱鰲雲祥公子也雲祥公有子二公爲長次
卽天祿爲人能以忠恕之道仁義之心自持因家貧
不能卒學乃學陶朱貨本經營遂早作晏息不數年
家亦漸可有一弟其所獲甚微乃遂使歸與之併力
合作不分彼我而于殯葬諸事必竭力從厚或疑爲
過則曰親喪而不費子心何安况雲祥公一生秉性
至孝不特定省協晨昏之節溫清安冬夏之常且能
人無間言里黨交口贊揚莫不推爲令子雖不克肖

阿城志 卷之八 八
其行肯構肯堂之義其可墮乎嘗誨衡以度量宜宏
奮志成人不可以沿于流俗之弊延師必擇文行兼
優之士以端模範居恒教訓必勗以古人性嗜書謂
惟書中之義咀嚼不盡雖佳節亦不釋卷而又能寬
以待下助鄰里親族之婚葬有指不勝屈者先君壽
至六十有九德配王孺人男三長卽衡次嵩三泰女
一適黃妾常氏生一男早卒續配馮氏無出孫男七
孫女四嗚呼公能絕無因依而立品誼致饒裕卒成
家業意若天之生是使獨也乎緬家規可益信

時

乾隆四十年歲次辛丑菊月之吉

男衡巖謹述

神宗四十年秋九月辛酉

訓

